



Golf Savez
Bosne i Hercegovine
Golf Association
Bosnia and Herzegovina

PREMIER LIGA

Bosne i Hercegovine u golfu 2026.

PRAVILNIK za DAME

Liga Bosne i Hercegovine 2026. se igra u 6 kola i to u slijedećim terminima:

KOLO	IGRALIŠTE	DATUM
1. Kolo	VF Sarajevo	09.05.2026.
2. Kolo	VF Sarajevo	10.05.2026.
3. Kolo	Topala Posušje	30.05.2026.
4. Kolo	Topala Posušje	31.05.2026.
5. Kolo	Forest Creek Zavidovići	04.07.2026.
6. Kolo	Forest Creek Zavidovići	05.07.2026.

IGRA SE STROKE sistem natjecanja (zbog ubrzanja igre igračice mogu podići lopticu iako nisu ubacili u rupu a na karticu se piše 10 udaraca, u slučaju da igračica odigra 10. udarac pa podigne lopticu piše se 11 i tako za svaki slijedeći udarac).

NAČIN NATJECANJA:

2 najbolja *stroke* rezultata svih igračica jednog kluba po kolu,
Nema gornje granice za broj igračica jednog kluba po kolu,

1. kolo lige se igra po HCP
2. kolo lige se igra po rezultatima 1.kola
3. 4. 5. i 6. kolo se igraju po plasmanu,

Uz dogovor ekipa zadnja dva kola u prva tri *flighta* mogu biti prve dvije ekipe koje se bore za 1. mjesto

U *flightu* NE SMIJE biti sve igračice iz jednog kluba,
Igra se u istim terminima kao i Gospoda.

Pobjednik Lige je klub koja ima najmanji ukupni broj udaraca kada se zbroje rezultati svih 6 kola. Ako klub nije nastupio u svim kolima, neće imati ukupni plasman. U slučaju neriješenog rezultata odlučuje bolji rezultat kako slijedi:

UKUPNO 1. kolo + 3. kolo + 5. kolo . Ako je rezultat i u ovom slučaju neriješen odlučuje rezultat 6. kola pa 5. kola pa 4. kola pa 3. kola pa 2. kola pa 1. kola.

Svaki golf klub iz BiH se može prijaviti, svaki klub mora imati svog kapitena, kapiten je odgovoran za svoj tim i rukovodilac lige isključivo priča s kapitenom vezano za sve informacije, primjedbe, diskusije i ostalo, krajnji rok za prijavu kluba za Ligu je 07.05.2026. do 12 sati. Svi prijavljeni igrači ekipa koji se natječu u BiH ligi 2026. moraju biti u evidenciji GSBiH, odnosno imati plaćenu članarinu u bilo kojem golf klubu u BiH za tekuću godinu i to do prijave za 1. kolo odnosno do 09.05.2026. Naknadna članstva nema prava učešća (u suprotnom diskvalifikacija kluba).

Svaki klub može imati neograničen broj članova te se svi mogu natjecati svako kolo.

Ako igračica ima plaćenu članarinu u više klubova, može igrati samo za jedan klub koji mora odabrati prije 1. kola i ne može nastupiti za drugi klub do kraja lige, juniori imaju pravo nastupa, sve igračice igraju s istih ispucavališta predviđenih za Dame.

U slučaju loših vremenskih uvjeta ili nekih drugih nepredviđenih okolnosti rukovodilac lige može da promjeni termin u dogovoru sa kapitenima ekipe.

Start - raspored na igralištima će se objaviti poslije prijave igrača na turnir a najkasnije 24 sata prije početka neparnog kola ili do 16h dan prije, dok će kod parnih kola raspored biti poslije odigravanja neparnih kola a najkasnije do 21h).

ZABRANJENO rukom dirati lopticu na bilo kojem dijelu igrališta osim na greenu i na ispucavalištu. Može se primjeniti lokalno pravilo pomjeranja loptice u slučaju nedostataka na terenu (odlučuje rukovodilac lige zajedno sa kapitenima neposredno prije svakog kola. U slučaju da ne mogu postići dogovor pristupit će se glasanju i odlučuje većina). Rukovodilac i njegovi pomoćnici su dužni obavijestiti klub da prije prvog dana igranja na tom terenu se naglase lokalna pravila,

Kotizacija po igraču je 80 KM za dva kola. U kotizaciju je uključena zakuska na svakom igralištu poslije prvog dana igre kao i voda i voće na terenu u zavisnosti od domaćina lige.

(ukoliko igrač bude prijavljen za određeno kolo ili više kola a ne pojavi se ili odustane u roku 12 sati prije početka igre tog kola dužan je platiti kotizaciju i green fee, ukoliko igrač ne plati dužan je klub platiti do početka sljedećeg kola, u suprotnom ide diskvalifikacija kluba)

Green fee – po cjenovniku igrališta na kojem se igraju kola.

Gospoda nemaju pravo nastupa za klupsku Ligu BiH.

Juniorke igraju s istih oznaka kao i ostali, ne može se igrati s oznaka bližim *greenu*.

Juniorke plaćaju puni iznos (green fee, kotizacija) kao i seniori, budući da igraju za klub a ne individualno.

Podjela nagrada je u Zavidovićima poslije zadnjeg kola odnosno 05.07.2026.

Nagrade su za prva tri mjesta – Ekipno (3 pehara); plus pojedinačne nagrade za svakog člana kluba (koji je nastupao)

Žalba se predaje najkasnije 30 minuta poslije objavljivanja rezultata uz polog od 100 KM. U slučaju ispravnosti žalbe novac će biti vraćen.

Napomena: Od 2020. godine svake godine se vrši rotacija odigravanja kola Lige u smislu redoslijeda mjesta odigravanja. Tako će iduće godine prvo i drugo kolo biti odigrano u Sarajevu, treće i četvrto kolo u Posušju, a 2 završna kola će biti odigrana u Zavidovićima.

RUKOVODIOCI LIGE:

Rukovodilac Lige BiH 2026. je Adnan Šabanović iz GK Krivaja, njegovi pomoćnici su ispred GK Posušje Josip Grubišić a ispred GK Sarajevo Nedim Čehajić.

Odlukom GSBiH od 2021.godine i narednih godina rukovodilac će bit iz kluba domaćina finala, odnosno zadnja dva kola lige, te u dogovoru s ostalim klubovima će izabrati svoje pomoćnike, svaki će ispred svoga kluba obavijestiti članove i kapitene za pravilnik kao i upozoriti na rokove prijave. Kontakt Adnan Šabanović 061250122. Rukovodilac je dužan poslije 2., 4. i 5. kola objaviti popis rezultata svih ekipa.

*PRIMJER NATJECANJA:

Igra 5 igračica iz GK XY broji se samo 2 najboljih rezultata i tako iz svakog kluba, ukoliko igraju samo 2 igračice onda se tih 2 broji, ako je manje od 2 ide diskvalifikacija klubu,

DODATNO:

Minimalni broj igrača jednog kluba po kolu je 3, ukoliko bude manje, klub je dužan platiti svaki green fee i kotizaciju do 3.igrača (primjer: ukoliko za jedan klub nastupi 2 igrača taj klub je dužan platiti 1 kotizacije i 1 green fee)

Od klupske lige 2025. zabranjeno je igrati s autićima! Osim u slučaju medicinske potvrde koju moraju odobriti rukovodioci lige, te imaju pravo s autićima igrati osobe starije od 70 godina.

Predstavnik kluba NE SMIJE dijeliti autiće po želji!

Treneri koji imaju položen LEVEL 1 i LEVEL 2 smiju igrati, članovi PGA BiH a koji su uredno i članovi klubova iz BiH kao i svi oni koji nisu PRO igrači tj ne natječu se za novac.